

Dia 23 di juni ultimo Psychological Services Wever a tene un tremendo workshop bou di e nomber di **'Addiction in the workplace'**.

Pakiko un workshop di e tipo aki? Ta asina cu den e ultimo anjanan na Aruba hopi donjo di trabow ta hanja nan mes confronta cu trahadornan cu tin problema di adicción. Hopi biaha e donjo di trabow no sa mucho bon kiko pa hasi cu e trahador aki of unda pa busca ajudo.

Na momento di papia di adicción kiermen tur tipo di adicción por ehempel adicción na droga, alcohol of wegá di placa.

Varios companianan grandi y chikito a participa na e workshop aki y nan reaccion tawata hopi positivo. Hopi di nan tin un polisa caba den nan compania cu ta stipula con pa atende cu trahadornan cu problema di adicción pero hopi biaha nan no sa mucho bon con pa aserca e trahador pa cu e problema.

Durante e workshop varios tema a wordo toca. Entre otro pakiko ta importante pa tin trahadornan saludabel na pia di trabow, kiko ta e puntonan crucial cu mester tene cuenta cu ne na momento di hinca un polisa den otro. Tambe a papia di algun technicanan di conversacion cu por wordo usa na momento di enfrenta e trahador cu e problema.

Otro puntonan importante cu a bin padilanti tambe ta kiko kiermen adicción, kiko ta e diferente tipo di adicción cu ta bin mas hopi padilanti na Aruba y kiko ta nan consecuençianan.

E workshop e ser duna door sicologonan Shira Saraç-Essed y Lilah Maduro-Wever di PSW. Como invitadonan special tawata tei e profesionalnan di Landslaboratorium Aruba pa duna mas informacion tocante nan diferente testnan cu nan tin obtenibel y e diferente proceduranan cu nan ta usa cu diferente companianan.



Tur e participantenan a keda hopi entusiasma cu e workshop y hasta a duna di conoce cu lo mester lage dura mas largo pa asina nan por hanja mas informacion adishonal y oportunidad pa hasi mas pregunta. Asina ta cu si bo no a participa ainda na e tremendo workshop aki bo no por perde bo chens pa participa diasabra dia 25 di augustus. Pa mas informacion jama libremente na telefoon 5837722.

